

Judella Jeand'or

Judella tambe no ta desconoci ya cu tur ora por mirele den festivalnan formando coro y resaltando su voz femenina.

Cu 7 aña Judella a cuminsa bay les di canto caba cerca e maestra Rhoda Frigero. Cu 11 aña el a drenta les di canto cerca Sra. Maybeline Arends-Croes y prome cu esey den Matinette cerca Sra. Imelda de Cuba.

Despues di 12 aña den canto cerca Sra. Maybeline, Judella a viaha pa varios isla den Antillas y a participa den diferente festival.

Manera cu Judella mes ta conta esaki ta un experiencia hopi grandi pe.

Na aña 1990 el a drenta ensemble na Muzickschool bao direccion di Sr. Albi Navas.

Actualmente Judella ta corista y a yega di acompaña hopi bandanan di Aruba. El a bisa tambe cu e ta un corista y no solista, pa e simple motibo cu den esaki bo ta haya un variacion di stem.

Judella a bisa na final cu e ta semper dispuesto pa acompaña calquier banda cu e mesun union y amistad.



DEN AMBIENTE

CU NOS ARTISTANAN



Jan Poets

NOS ARTISTANAN DEN ARUBA JAZZ & LATIN MUSIC FESTIVAL

Aruba tambe lo ta dignamente representa den e Aruba Jazz & Latin Music Festival ora cu Super All Stars Band lo subi stage dia 15 di Juni venidero.

DEN AMBIENTE a trata di busca entrevista cu algun di nos artistanan y a logra haya 6 di nan pa splica tocante nan experencianan musical y kico Jazz Festival ta significa pa nan.

Vio Wester

Vio no ta solamente conoci pa un tremendo pelotero di Marlboro, pero tambe como un gran musico ariba percusion.

Vio a forma parti di Los Juveniles, un di e mihor agrupacionnan di aña '70. Despues Vio tabata integrante di Triple S, cual banda a causa un sensacion enorme cu nan hitnan manera "Tuma Tur" etc.

Despues cu Lago a cera doño di e banda Triple S Sr. Hoo a bay residencia na St. Maarten y e banda astop di existi. E tempo ey Vio a bay toca pa un periodo pa Sound and Harmony, debi cu ex-integranan di Triple S a forma Papito y su Doble Sabor. No a dura mucho cu Vio tambe a sigui nan tras y a bay forma parti di e grupo aki den cual e ta tocando te cu awe.

Conoci como un persona masha cooperativo, Vio a sa di compaña varios banda durante festivalnan, den grabacionnan y tabata toca tur locual cu e por.

Vio a graba y toca tambe cu bandanan na St. Domingo, Venezuela, Curacao, Bonaire y St. Maarten.



Victor Camacho

Victor Camacho, pianista lo tin e honor pa representa Aruba pa di 3 biaha den e Aruba Jazz and Latin Festival.

Victor a conta cu tempo e tabata tin 6 aña el a cuminsa toca piano. Na aña 1968 el a bay Hulanda pa studia pa Medisch A-list, pero no a perde e oportunidad di sigui tuma les di piano. E tabata bay cerca Sr. Leon Schenkels (un maestro di conservatorio) na Utrecht. Na Hulanda tambe Sr. Camacho a milita den The Strangers.

Na aña 1971 Victor a regresa Aruba a sigui tuma les cerca Emelindo Leonor, Carmen de Kort, Armando Loricini y Rick Eling. Mientrastanto Victor, hunto cu Dennis, Dhaddy, Lando y Eric a lanta un grupo yama "Dedhalavie" cu a cosecha masha popularidad den su tempo.

No a dura mucho cu Victor a bolbe bay Hulanda. E tempo ey e tabata pianista den "Coro



Canta Antiyas" na Tilburg y Combo Pa Tin Pret. Despues na '77 el a bay curacao caminda el a compaña artistanan manera Rudy Plaatje, Eldrid Ramada den diferente hotel y nightclubnan.

Na '78 el a dicidi di bin bek Aruba y a haya su mes ta acompaña varios artista den hotelnan. Den temporada di tumba y calypso Victor ta acompaña Musical Time. Actualmente

Victor ta freelance y ta acompaña Los Caciques den nan presentacionnan y recientemente Victor a duna un excelente concierto na honor di Padu organiza pa Rotary Club.

Claudius un persona cu no mester di introduccion ya cu e ta nos superstar local y queri pa hopi. Actualmente Claudius a caba di regresa for di Boston caminda e ta sperando su resultadonan for di Berklee College.

Segun Claudius a bisa DEN AMBIENTE cu e lo bay duna manera costumber un super show cu cuater cancion cual 3 ta local y dos dinan di su propio composicion.

El a splica cu su cancionnan lo ay tin un tiki sabor di Jazz pero kedando den e ritmo Caribeño. Claudius lo termina cu un cancion di Padu del Caribe como un aprecio pa Padu.

Sigur e show aki lo bay ta esun mas cometa di henter e Aruba Jazz & Latin Festival, pasobra semper e artista Arubano aki a duna tremendo shownan y tur caminda bon cometa.

Claudius Phillips



Tissy Vrolijk ta un joven Arubano cu a motiva su mes den un carera hunto cu artistanan grandi manera Tito Puente, Oscar D'Leon, Willy Colon, Babaly, Macario Prudencia y Robert Jeandor, Chocolate, Oscar D'Leon, etc.

Como un graduado di Conservatorio como trombonista, compositor y arreglista Tissy a bini Aruba specialmente pa forma parti di e Super All Stars Band cu lo duna nan presentacion dia 15 di Juni den Don Elias Mansur Ballpark.

Tissy a remarca cu ta duele mash ahopi mes cu nos artista Robert Jenador como e prome artista Antiyano cu a actua den Madison Square Garden no ta forma parti di Super All Stars Band.

Hunto cu Tissy ariba e grafico por mira Bibi Gibbs cu tambe ta

Bibi Gibbs - TC Vrolijk



un trombonista formando parti di e Super All Stars Band pa Aruba Jazz & Music Festival. Despues di carnaval di e aña aki

Bibi a bay Hulanda pa sigui un curso cerca Tissy pa dos siman, cual curso el a termina cu exito. Y manera Tissy mes a bisa cu e

ta mira un futuro enorme pa e trombonista aki cu sigur lo bay bira un di e mihornan den Caribe.

Purbe y lo bo guste

Un bebida pa un y tur



Agente:
Licores Aruba N.V.

BLUE WAVE

ta presenta

DIASABRA: PAPITO Y SU DOBLE SABOR

DIABUEBS: Ladies Night
Al Spice cu Claudius Phillips

DIABIERN: Los inolvidables cu
piezanan bieu di Sonora Matancera



BUY WISE

Nieuwstraat 34 - patras di Nicky Habibe Jr.
Tel: 36696

Be wise and by wise!!

Pa tur articulonnan y juguete pa mucha di
baby te teenager.



FIRST CLASS
DESIGN

CU STOCK NOBO FOR
DI EUROPA

Lo ultimo den moda
Europeo, nos a caba di
yega cune y special pabo
cu ta gusta bisti elegante y
unico.

Pa cumpleaños,
ricibimento, casamento, y
na tur ocasion
bo no por falte

So of gemix e ta hopi gusta.

